

12.

Ludimoderator itidem exhibeat catalogum discipulorum, profectus, diligentiae, parentum piorum vel impiorum, denique gravaminum de schola, salario, statu suo, etc.

13.

Post visitatam scholam et judicia de ludimoderatore ejusque diligentia vel negligentia, dexteritate in docendo, gubernando, item de discipulorum profectu laudando et praemiis exornando, denique de aedibus scholae et ejus necessariis requisitis etc. deposita, instituatur jentaculum, quod non excrescat $\frac{1}{2}$ horam.

14.

Quo finito bini bini fratres accedant ad templum modeste, composite, devote, bone praeparati.

15.

In templo cultus inchoetur cum canto textui injuncto appropriato.

16.

Post cantum brevem pastor loci habeat concionem ex textu praescripto, brevem, orthodoxam, textui et desiderio auditorii satisfacentem.

17.

Hac finita Inspector vel praeses brevi prophonemate animos auditorum ad instans examen et tentamen juniorum et adultiorum præparet, annexis precibus.

18.

Hisce habitis interea conventuales per Inspectorem distribuendi sunt inter discipulos et auditores ex Catechesi et 5 capp. examinandos, ubi suis pugillaribus excipiunt quaedam in concione, cantu, catechisatione et cultu, monitu utilia et observatu digna in rebus, verbis, gestibus, methodo, phrasibus et actionibus.

19.

Finito examine catechetico Inspector breviore epilogo ad coetum directo, laudet diligentiam quorundam, aliorumve negligentiam reprehendat, segniores excitet, errantes revocet, vacillantes confortet etc., et denique omnes precibus Deo commendet.

20.

Ubi in silentio et modestia fratres Inspectorem disserentem audiant.

21.

In templo vel aedibus pastoris loci post acceptationem novitiorum fratum et sermonem brevissimum ad conventuales Di. Inspectoris vel pr. habitum, producatur protocollum Conventus, in quo consignentur acta conventus: hoc autem tantum in Consistorio custodiatur, nihilque nisi prius censurae Dn. Consiliariorum aut Inspectoris subjectum inseratur,